

Directori da la scola auta da pedagogia

Il cussegl da scola ha elegì novas persunas en la direcziun

■ (cp) Il cussegl da la Scola auta da pedagogia dal Grischun (SAPGR) ha nominà Chantal Marti-Müller sco substituta dal rector. Da nov en la direcziun da scola ha el era elegì René Reinhardt sco manader da la partizun furmaziun da basa e Martin Bühler sco manader dals servetschs.

La nova prorectura da la SAPGR, Chantal Marti-Müller ha fatg suenter il seminari scolastic dal Grischun la furmaziun sco magistra da gimnastica e sport a la SPF Turitg ed ha studegià psicologia pedagogica e didactica a l'Universitad da Turitg. Suenter il diplom per l'instrucziun superiura ha ella promovì a l'institut pedagogic da l'Universitad da Turitg davart il tema «Bündner Volksschule im Wandel. Akteure – Lehrpersonenbildung – Schulaufsicht». Chantal Marti-Müller è activa gia dapi il 2004 en la furmaziun da magisters en il chantun Grischun e maina dapi il 2007 la partizun da la furmaziun da la pratica professionala da la SAPGR. Chantal Marti-Müller stat a Cuira ed è bilingua rumantsch-tudestg.

Sco manader da partizun per la furmaziun da basa è vegnì elegì René Reinhardt. El stat a Zizers ed ha terminà sia emprima scolaziun cun la patenta da magister al seminari scolastic da Cuira. Alura ha el studegià sport e geografia a l'Universitad da Berna nua ch'el ha era cuntanschi il diplom per l'instrucziun superiura. René Reinhardt ha lavurà enfin ussa total-



Ilis novelegids da san. René Reinhardt, Chantal Marti-Müller e Martin Bühler.

FOTOS MAD

main 20 onns en la furmaziun da magisters dal chantun Grischun e maina dapi il 2003 il ressort planisaziun da la partizun da la furmaziun da basa da la SAPGR. Dapi 2012 maina el plinavant il studi complementar a la professiun per persunas d'instrucziun dal stgalim secundar I.

Il nov manader dals servetschs, Martin Bühler, ha fatg la patenta da magister a la Scola media evangelica d'Aschera ed ha terminà ses studi a l'Universitad da Turitg cun il licenziat en ciencias poli-

ticas, dretg internaziunal e dretg public. Martin Bühler ha instruì durant circa 10 onns en differentas scolas primaras, oravant tut en il chantun Turitg. Avant che daventar assistent da la direcziun da scola da la SAPGR a l'entschatta dal 2013 ha el manà projects da furmaziun per las relaziuns internaziunalas da l'armada svizra en il sectur da la reabilitaziun posteriura da conflicts e da la controlla d'armament en Africa ed en il Balcan.

Entrada en uffizi

Ilis novs commembers da la direcziun da scola surpiglian lur funcziuns la stad e l'atun 2014. Il cussegl da la scola auta, la direcziun da scola e las collavuraturas ed ils collavuraturas da la Scola auta pedagogica dal Grischun gratuleschan a Chantal Marti-Müller, a René Reinhardt ed a Martin Bühler per lur elecziun e giavischan gia ussa bles success en lur novs uffizis.